

欽定大清會典事例

欽定大清會典事例卷二百五十

戶部

俸餉

外藩俸祿

京官月費

外藩俸祿○喀爾喀汗科爾沁三親王歲給俸銀二千五百兩。緞四十疋。諸部落親王俸銀二千兩。緞二十五疋。世子俸銀一千五百兩。緞二十疋。科爾沁扎薩克圖郡王俸銀一千五百兩。緞二十疋。諸部落郡王俸銀一千二百兩。緞十有五疋。長子俸銀八百兩。緞十有三疋。貝勒俸銀八百兩。緞十有三疋。貝子俸銀五百兩。緞十

正鎮國公俸銀三百兩。緞九疋。輔國公俸銀二百兩。緞七疋。扎薩克台吉俸銀一百兩。緞四疋。其下嫁外藩固倫公主俸銀一千兩。緞三十疋。和碩公主俸銀四百兩。緞十有五疋。郡主俸銀一百六十兩。緞十二疋。縣主俸銀一百一十兩。緞十疋。郡君俸銀六十兩。緞八疋。縣君俸銀五十兩。緞六疋。鄉君俸銀四十兩。緞五疋。六品格格。俸銀三十兩。緞三疋。固倫公主額駙俸銀三百兩。緞十疋。和碩公主額駙俸銀二百五十兩。緞九疋。郡主額駙俸銀一百兩。緞八疋。縣主

額駙俸銀六十兩。緞六疋。郡君額駙俸銀五十兩。緞五疋。縣君額駙俸銀四十兩。緞四疋。如額駙內有兼職任者。仍從多支食。其有蒙

恩照宗室王公酌給俸米者。不在此例。一等子俸銀二百有五兩。二等子俸銀一百九十二兩五錢。三等子俸銀一百八十兩。一等男俸銀一百五十五兩。二等男俸銀一百四十二兩五錢。三等男俸銀一百三十兩。一等輕車都尉俸銀一百有五兩。二等輕車都尉俸銀九十二兩五錢。三等輕車都尉俸銀八十兩。騎都尉俸銀五十五

兩。雲騎尉俸銀四十二兩五錢。騎都尉又一雲騎尉俸銀六十七兩五錢。

賜達爾漢號者。俸銀二十兩。緞四疋。八品官俸銀二十兩。

乾清門行走一等台吉。歲支俸銀一百兩。二等台吉。八十兩。三等台吉。六十兩。四等台吉。四十兩。○順治十一年議准。蒙古王以下公以上身故。停給俸祿。俟承襲後。各按爵秩支給。○十八年議准。外藩世爵俸。照內世爵俸減半頒給。○康熙三年議准。下嫁外藩公主以下薨逝。額駙有

爵秩者仍准給俸。無爵秩者停給。○十七年題  
准。外藩王貝勒貝子公等已故。遇領俸時。不俟  
其子承襲。一例支給應得之俸。○雍正二年覆  
准。青海王貝勒貝子公台吉。歲給俸銀。就近於  
蘭州藩庫給發。其俸級由理藩院於部中支領。  
差筆帖式一人。齎往頒發。○七年

諭。從前札薩克蒙古王等之俸。比在內王等少給者。並  
非以內外輕重分別。因蒙古王等人多在蒙古地方  
居住。費用有限。國帑不足。故少給伊等之俸。今蒙

上天恩庇。

聖祖仁皇帝遺惠天下無事數年來豐收國帑尚屬有餘朕為統育天下羣生之大君凡事無不周慮行之蒙古王等以下札薩克一等台吉以上皆著增俸一倍再尋常一等台吉原不給俸今亦照前札薩克一等台吉等食俸之例賞給此朕特加之恩亦未便遽定為例嗣後歲終戶部理藩院會同將應否倍賞之處奏聞再降諭旨○十年

諭八旗察哈爾蒙古駐牧近邊與內地人相同效力有年原定例察哈爾官內有職任者給予半俸無職任散秩官給予俸祿四分之一念其皆國家效力舊人

特沛恩澤。將有職任官。給予全俸。其無職任散秩官。給予半俸。○又議准。

乾清門行走之一等台吉。歲給銀一百兩。二等八十兩。三等六十兩。四等四十兩。○乾隆二十年。議准。杜爾伯特等部落汗親王。郡王。貝勒。貝子。鎮國公。輔國公。扎薩克。台吉等。俸銀俸級。照喀爾喀汗王。公。台吉之例頒給。每年令各差官。乘傳赴京。於戶部關支。○二十五年。奏准。住京回子。公。台吉等。按所得俸銀。給予米石。毋庸給予俸級。○三十五年。奏。軍營駐班蒙古王公等。加



賞雙俸之處概行停止奉

旨。每年歲底將應否賞給之處請旨具奏。○四十二年奉

旨。嗣後蒙古王公額駙格格台吉等俸銀緞疋於關領後有物故者俱著停其追繳。○四十五年奏准蒙古王公等俸銀緞疋統於十二月十五日截定仍於二月內一次辦給。如關領後病故日期在十二月十五日以前者照例追繳。在十二月十五日以後者免追。○又奏蒙古王公病故未完因公罰俸銀緞在伊子應得俸銀銀緞疋內坐扣奉

旨。因公罰俸銀兩。毋庸令伊子嗣賠還。著為例。○五十四年議准。下嫁外藩之和碩公主。歲支俸銀。加為四百兩。在京居住者。即照下嫁京城八旗之例支給。其有下嫁京城。或在京居住奉

旨照游牧例賞給者。不在此例。至郡主以下。在京在外。俱按照品級一體支給俸祿。○又議准。額駙內有兼職任者。從多處支食。其有蒙

恩照宗室王公酌給俸米者。不在此例。○又議准。下嫁外藩之公主。除固倫公主並額駙。照舊支給銀緞外。和碩公主。每歲改支俸銀四百兩。緞一

十五疋。額駙。每歲改支俸銀二百五十五兩。緞九疋。郡主。改支俸銀一百六十兩。緞十二疋。額駙。改支俸銀一百兩。緞八疋。縣主。改支俸銀一百一十兩。緞十疋。額駙。改支俸銀六十兩。緞六疋。郡君。改支俸銀六十兩。緞八疋。額駙。改支俸銀五十兩。緞五疋。縣君。改支俸銀五十兩。緞六疋。額駙。改支俸銀四十兩。緞四疋。鄉君。改支俸銀四十兩。緞五疋。六品格格。歲支俸銀三十兩。緞三疋。○道光六年

諭。向來給予蒙古王公等俸銀。原為養贍身家。乃不曉

事體少年人等。濫行藉口。借取現成銀兩。任意糜費。迨至每年減半坐扣。轉至困窮。而於蒙古生計。大無裨益。不可不立定限制。著即照戶部定議。嗣後凡在御前乾清門行走。蒙古王公內有借支俸銀者。不得過五年之數。貝勒貝子公等。不得過十年之數。其餘閒散蒙古王公等。一概不准借支俸銀。九年

諭

車登巴咱爾之祖拉旺多爾濟。曾因獲罪。將伊喀爾喀親王應得俸銀。緞疋折米五百石。全行停止。嗣後屢經加恩賞給米四百石。今車登巴咱爾已挑在御前行走。著加恩於每年領米四百石外。再賞米一百

石以足親王應得分數。二十三年覆准前藏所屬  
公札薩克等官歲支俸銀由西藏糧務就近支  
給造入臺費冊內題銷其應領俸緞由蘇杭江  
三處織造按年同辦解青海緞疋一併解赴甘  
肅存儲俟西藏年班進貢堪布轉回之便帶領  
回藏分給。

京官月費。凡京官公費每銀一兩折制錢一  
千文。宗人府左右宗人內閣大學士各部院尚  
書左都御史均月支公費銀五兩各部院侍郎  
內務府總管內閣學士宗人府府丞左副都御

史。通政使司。通政使。大理寺卿。太常寺卿。武備  
院卿。上駟院卿。奉宸苑卿。光祿寺卿。太僕寺卿。  
詹事府詹事。鑾儀衛鑾儀使。倉場侍郎。均月支  
銀四兩。倉場侍郎每歲自十月  
支至正月止餘月不支通政使司副使。  
詹事府少詹事。鴻臚寺卿。國子監祭酒。內閣侍  
讀學士。各寺少卿。翰林院侍讀學士。侍講學士。  
侍讀。侍講。詹事府左右春坊庶子。司經局洗馬。  
欽天監監正。太醫院院使。宗人府理事官。六科  
給事中。各道御史。各部院郎中。鑾儀衛冠軍使。  
均月支銀三兩。內閣侍讀。通政使司參議。太常

寺寺丞詹事府左右中允贊善國子監司業翰林院修撰編修檢討宗人府副理事官各部院寺員外郎主事奉宸苑苑丞都察院都事經歷內閣中書典籍中書科中書舍人通政使司知事翰林院典籍待詔孔目詹事府正字并主簿大理寺左右寺丞太常寺讀祝官贊禮郎光祿寺署正署丞鴻臚寺鳴贊官欽天監監副五官正太醫院左右院判七品御醫七品吏目五城兵馬司指揮副指揮吏目戶部三庫司庫內務府光祿寺理藩院司務司庫武備院奉宸苑上

虞處營造司庫掌鑾儀衛雲麾使治儀正內閣  
候補中書翰林院

起居注詹事府七八九品筆帖式唐古特學司業  
助教均月支銀二兩二錢各部院七品小京官  
內閣貼寫中書理藩院造冊筆帖式均月支銀  
二兩大理寺評事太常寺博士典簿司庫六部  
大理寺步軍統領衙門司務太僕寺主簿通政  
使司經歷鑾儀衛經歷鴻臚寺序班主簿國子  
監監丞博士典簿助教算學生光祿寺典簿欽  
天監主簿靈臺郎挈壺正司書司晨監候博士



天文生陰陽生筆帖式太醫院八九品吏目額  
外吏目醫士鑾儀衛整儀尉侍衛處筆帖式刑  
部八品醫官司獄均月支銀一兩五錢各部院  
寺宗人府內務府奉宸苑國子監步軍統領衙  
門六科倉場衙門筆帖式國子監典籍學正學  
錄各部繕本貼寫筆帖式戶部內務府理藩院  
太常寺光祿寺各庫使

武英殿庫掌武備院營造司庫守內務府執事人  
均月支銀一兩修書各館正總裁官月支卓飯  
銀二十九兩三錢有奇副總裁官月支銀十四

兩六錢五分有奇。提調纂修官。月支銀八兩五錢有奇。校對繙譯收掌滿謄錄。月支銀四兩五錢八分有奇。漢謄錄。月支銀三兩六分有奇。方略館繙譯官。月支銀八兩五錢有奇。各館正副總裁。提調纂修等官。如有兼管處所。止就一處支領。其本衙門公費錢文。亦俱停支。凡遇小建。按日扣除。○順治二年定。各衙門官員。分別等次。每月支給公費銀。○又定。在各館修書之總裁。提調纂修等官。既支領本館飯銀。均停支本衙門公費。○四年覆准。各庫使。均月給銀一兩。

○十二年覆准在京文職及鑾儀衛衙門公費。每月初一日。以現在官開送。定於月之十一日。支領公費。如本月內遇有差違等事。不必掣回。應補給者。按日於次月一併支領。具有事故未領者。不准補給。○十八年題准各衙門筆帖式。月給公費銀一兩。○又定宗人府左右宗人以下。仍支公費。左右宗正以上不支。○康熙五十九年奏准工部堂司各官公費。令該部自行給發。每制錢九百五十文作銀一兩。○雍正五年定在京各衙門公費。原為在署辦公而設。如奉

差離署。其應得公費。按日扣除。○七年題准。漢科道由郎中員外郎內閣侍讀編檢補授者。照五品之例。月給公費銀三兩。由主事中行評博及行取知縣補授者。照六品之例。月給公費銀二兩二錢。○八年議准。太醫院醫官。每人月給公費銀二兩。○十一年奏准。庶吉士在館讀書。每日給廩餼銀一錢五分。按月支給。○十二年奏准。戶部設立貼寫筆帖式二十人。繕寫清字本章。每名月給公費銀一兩。歲給米十有二石。○乾隆元年奏准。工部堂司官公費。以制錢九

百文作銀一兩。○四年覆准八旗司掌稿筆帖式除原有八人外。其查數校對尚不敷八人。應照兵部遴選書寫旗員印軸之例。於繙譯取中之護軍驍騎校內。選取八名。仍令食本身錢糧。照貼寫筆帖式之例。每人月給公費銀一兩。將來取中之護軍驍騎校用完日。照本部繕本筆帖式之例。在八旗監生生員官學生內考取補用。即照繕本筆帖式例。月給公費銀一兩。○十二年奏准工部堂司官公費。仍自行辦理。以制錢八百文作銀一兩。○十五年奏准奉宸苑庫

掌月支銀二兩二錢。

武英殿庫掌月支銀一兩。○二十一年奏准寶泉局存儲制錢。積累日多。除工部堂司官。業經該部奏明給錢外。應將在京大小各衙門。每月公費銀改給制錢。每銀一兩給錢九百文。○四十年奏准筆帖式挑補漢軍教習人員。每員月支公費。不論由何衙門挑補。統照纂修官在館支領卓飯之例。由旗月給公費銀二兩。其本衙門公費。即行停支。○又議准各衙門於封印以後。開印以前。俱不支領公費。惟宗人府禮部兵

部戶部之三庫內倉軍需局通政司太常寺光祿寺鴻臚寺欽天監太醫院鑾儀衛步軍統領衙門武備院上駟院理藩院官員造冊筆帖式並畫佛像喇嘛等。唐古特學茶膳房。國子監八旗教習算學生。

上諭處各館俄羅斯文館

後裁八旗善射教習

南苑等處官員太監內務府並各司等處官員太監。封印內仍支給公費。○又議准唐古特學司業助教各月支銀二兩二錢。戶部三庫大使。月支銀一兩五錢。國子監典籍。月支銀一兩。

圓明園

清漪園

今名頤和園

總管月支銀四兩

圓明園等處郎中月支銀三兩員外郎苑丞王事  
三等侍衛庫掌月支銀二兩二錢苑副月支銀  
一兩八錢筆帖式月支銀一兩八品催長月支  
銀一兩一錢

南苑等處苑副減半。又議准。

咸安宮景山教習月給銀三兩每季給米五石三  
斗國子監官學滿漢教習月給銀二兩米一石  
七斗六升五合左右兩翼宗學覺羅滿漢教習



月給銀二兩米二石。宗學副管月給銀三兩米三斗。覺羅學副管月給銀二兩米三斗。善射教習月給銀一兩。俄羅斯文館教習月給銀二兩二錢。後裁

咸安宮景山各教習支銀。其餘教習及副管均每兩折支制錢九百文。○又奏定修書各館正副總裁以下官分別等次月給卓飯銀數。詳見前○

又奏准唐古特學生每名月支銀四兩。歲支米二十二石二斗。額外行走學生隨帶馬甲錢糧。月支銀三兩一體支給米石。○四十四年奏准

咸安宮滿洲蒙古官學生每名月支銀二兩。歲支米二十一石二斗。四十六年覆准。

武英殿校錄應需膏火銀兩。歸國子監由部關領給發。四十九年奏准。外任旗員因親老改補京職。分派各衙門行走。未經得缺以前。照常給予公費。不食俸祿。五十八年覆准。覺羅文生員充補滿教習。除支原食養贍錢糧外。仍准支食教習公費銀米。五十九年奏准。京員公費每銀一兩折制錢一千文。嘉慶四年奏准。恭修。

實錄之繙譯膳錄官均月給卓飯銀四兩五錢其原有  
本旗錢糧者准其兼支如未兼食本旗錢糧者  
不必另加○六年議准武職大員管理上駟院  
事務者俱按品級支食公費銀兩其餘不得援  
以為例○七年奉

旨內閣行走中書由新進士簡用及翰林大考改授者  
未經得缺以前著加恩一體給予公費

欽定大清會典事例卷二百五十一

戶部

俸餉

文武外官俸銀一

文武外官俸銀。凡在外文官俸銀。與京官一例。按品級頒發。不給恩俸。不支祿米。其武官額俸。與京官異。各支薪銀有差。正一品。俸銀九十五兩八錢一分二釐。薪銀一百四十四兩。從一品。俸銀八十一兩六錢九分三釐有奇。正二品。俸銀六十七兩五錢七分五釐有奇。從二品。俸銀五十三兩四錢五分七釐有奇。薪銀均與正

一品同。正三品俸銀三十九兩三錢三分九釐有奇。新銀一百二十兩。從三品同。正四品俸銀二十七兩三錢九分三釐有奇。新銀七十二兩。從四品同。正五品俸銀一十八兩七錢五釐有奇。新銀四十八兩。從五品同。正六品俸銀一十四兩九錢六分四釐有奇。新銀三十三兩三分五釐有奇。從六品同。七品俸銀一十二兩四錢七分一釐。新銀二十三兩五錢二分九釐。○順治四年議准。在外文職。照在京文職各按品級支給俸銀外。總督歲支新銀一百二十兩。蔬菜

燭炭銀一百八十兩。心紅紙張銀二百八十八兩。案衣什物銀六十兩。兼副都御史銜巡撫歲支薪銀一百二十兩。僉都御史銜今裁七十二兩。蔬菜燭炭銀均一百四十四兩。心紅紙張銀均二百一十六兩。案衣什物銀均六十兩。織造官照品支薪銀外。歲支蔬菜燭炭及心紅紙張銀各一百有八兩。案衣什物銀六十兩。學政及巡按今裁巡鹽巡茶今裁巡倉各御史均歲支薪銀三十六兩。蔬菜燭炭銀一百八十兩。心紅紙張銀三百六十兩。左布政使今改歲支薪銀一百四

十四兩。蔬菜燭炭銀八十兩。心紅紙張銀一百二十兩。修宅什物銀四十八兩。紫衣銀五十二兩。右布政使。改今歲支薪銀一百四十四兩。蔬菜燭炭心紅紙張什物紫衣銀各四十兩。按察使歲支薪銀一百二十兩。蔬菜燭炭銀八十兩。心紅紙張銀一百二十兩。什物銀四十八兩。紫衣銀五十二兩。參政道。改今歲支薪銀一百二十兩。副使道。改今參議道。改今歲支薪銀七十二兩。僉事道。改今歲支薪銀四十八兩。蔬菜燭炭心紅紙張修宅什物銀各五十兩。布政使司經歷理問歲

支薪銀四十八兩。都事歲支薪銀三十六兩。照

磨歲支薪銀二十四兩。檢校裁今歲支薪銀一十

二兩。按察使司經歷歲支薪銀三十六兩。知事

歲支薪銀二十四兩。照磨檢校裁今歲支薪銀各

一十二兩。知府歲支薪銀七十二兩。心紅紙張

修宅什物銀各五十兩。案衣銀二十兩。府同知

通判均歲支薪銀四十八兩。心紅紙張銀二十

兩。什物案衣銀各十兩。推官裁今歲支薪銀三十

六兩。心紅紙張銀二十兩。什物案衣銀各十兩。

府經歷歲支薪銀二十四兩。知事照磨檢校歲



支薪銀各一十二兩。知州。州同。歲支薪銀四十  
八兩。州判。歲支薪銀三十六兩。吏目。歲支薪銀  
一十二兩。知縣。歲支薪銀三十六兩。心紅紙張  
銀均三十兩。修宅什物銀均二十兩。迎送上司  
繖扇銀均十兩。縣丞。歲支薪銀二十四兩。典史  
歲支薪銀一十二兩。鹽運使。歲支薪銀一百二  
十兩。心紅紙張。蔬菜燭炭。修宅什物銀各四十  
兩。運同。歲支薪銀七十二兩。運判。提舉。歲支薪  
銀四十八兩。心紅紙張。修宅什物銀各二十兩。  
繖扇。案衣。燭炭銀均各十兩。運使。經歷。歲支薪

銀三十六兩。知事歲支薪銀二十四兩。提舉司  
吏目歲支薪銀一十二兩。按察使司司獄各府  
司獄庫大使巡檢稅課大使驛丞牘官河泊所  
官均各歲支薪銀一十二兩。○五年題准。提督  
支俸薪外。歲給蔬菜燭炭銀一百八十兩。心紅  
紙張銀二百兩。案衣什物銀一百兩。總兵官支  
俸薪外。歲給蔬菜燭炭銀七十二兩。心紅紙張  
銀一百有八兩。案衣什物銀五十兩。參將遊擊  
支俸薪外。參將給蔬菜燭炭銀四十八兩。遊擊  
給蔬菜燭炭銀三十六兩。心紅紙張銀均三十

六兩。案衣什物銀均二十四兩。都司支俸薪外。  
歲給蔬菜燭炭銀一十八兩。心紅紙張銀二十  
四兩。案衣什物銀一十六兩。守備支俸薪外。歲  
給蔬菜燭炭銀一十二兩。心紅紙張銀一十二  
兩。案衣什物銀八兩。千總歲支廩給銀四十八  
兩。把總歲支廩給銀三十六兩。掌印都司支俸  
薪外。歲給蔬菜燭炭銀三十六兩。心紅紙張銀  
七十二兩。案衣什物銀三十二兩。屯田操捕都  
司支俸薪外。歲給蔬菜燭炭銀三十兩。心紅紙  
張銀四十兩。案衣什物銀三十兩。營都司支俸

薪外。歲給蔬菜燭炭銀二十四兩。心紅紙張案  
衣什物銀並同。衛守備支俸薪外。歲給蔬菜燭  
炭銀八兩。心紅紙張案衣什物銀並同。衛所千  
總。歲給五品俸薪。專城者加給心紅紙張銀三  
十二兩。案衣什物銀二十四兩。百總。歲支廩給  
銀三十六兩。運糧把總支俸薪外。歲給蔬菜燭  
炭心紅紙張銀一十二兩。案衣銀八兩。○九年。  
裁州縣修宅什物銀。○十三年定。直省文職各  
官歲俸。並心紅紙張銀。仍照例支給外。裁柴薪  
蔬菜燭炭銀。○康熙元年題准。在外武官給俸。

舊例至五品止。各營千把總止支廩給。今千總定為六品。每季給俸新銀一十二兩。把總定為七品。每季給俸新銀九兩。○九年題准。督撫有原加一二品銜者。照銜品支俸。三品以下官推授者。仍支三品俸。○十七年題准。領運千總俸薪。舊例不論出運停運。各照額編支領。嗣後出運之年。照例支領。不出運之年。不准關支。○二十一年題准。候運千總俸銀。仍照例支給。○二十八年定。張家口等處旗員。照保定等城駐防旗員筆帖式例。給予俸米。○三十五年定。都司

改為正四品。守備改為正五品。專城衛千總雖係正五品。仍照原編專城衛千總俸支給。其營千總改為從六品。向來營衛武弁。原無從六品。亦未編有從六品俸銀。應照原編營千總廉給。每年四十八兩。蔬菜二項。照例支給。○四十七年奏。定例各省綠營官弁。均論品級支給俸薪。馬匹草料。心紅紙張柴炭等項。參將每月七兩。遊擊六兩。守備五兩。巡捕營向用旗人。今民人亦有補用者。應照旗人支給。奉

旨。巡捕營官。係民籍現任補授者。准其支給。旗人不必

支給。○雍正三年議准。直隸省巡撫改為總督。守巡二道改為布按二司。應照銜食俸。造入奏銷冊內具題覈銷。○七年題准。奉天文職各官俸銀。均照京官例支給。其俸米即於本年秋季起。在各該處存倉粟米內就近支發。○又覆准。浙江省鹽場大使。向係未入流職銜。其名下每年原編俸銀三十一兩五錢二分。於地丁項下支給。今給予正八品職銜。每年應支八品俸銀四十兩。除原編俸銀三十一兩五錢二分外。每人不敷銀八兩四錢八分。於缺官俸銀內支給。○八

年

謝

至聖先師孔子。道冠百王。功高萬世。

聖廟執事之員。向來未加爵秩。所當廣置官僚。以光祀典。今特設

諭。新授武弁。應以領劄到任之日為始。支給俸薪。若升遷調補之人。未曾接領劄付。尚在舊任。其俸薪銀。應照舊職銜給予。以資食用。其作何定例。該部詳議具奏。欽此。遵



旨議定武職俸薪。除新授官弁。於到營任事之日起支外。其升選調補之人。尚在舊任者。仍照舊任職銜給予俸薪。俟離營之日停支。○十二年題准。漢世爵送部引。

見補授外省守備都司者。支食全俸。其發標效力未經得任。及情願效力。

命往者。均給半俸。授職後准支全俸。若奉

旨令其回籍。及試看不能供職。咨回原籍。並年未及歲承襲在家閒住者。概停給俸。又武職支給俸薪。於授劄任事之日起支。離任之日停支。凡調

撥出兵直隸等六省大小官弁遞行委署者。以委署之日算俸。並給予俸祿。其分發各省及巡捕三營效力員弁。如係現任分發效力之人。有現任職銜。應於到營之日。照銜支食俸薪。候補分發及原無職銜。

特旨分發者。該督撫等或委署別任。即於受劄任事之日。照所署任內給予俸薪。心紅馬乾等項。至該員到營後。未經補授委署之時。有職銜者。照職銜給予一半俸薪。無職銜者。量給把總俸薪之半。其餘心紅馬乾等銀。不准支給。○又覆准。

學習期滿進士。委署試用。委任內遇有因公叅罰事件。皆照委任官例。議以罰俸。其已經題署者。照題署之任。以奉。

旨日為始。給予額編俸銀。○十三年奏准。各省武職。例由授劄之日起俸。但授劄有遲速不同。嗣後各省官弁。關支俸銀。均以授劄任事之日為準。○又覆准。各省分發武弁。經督撫委署受事。尚未接受劄付者。照署職給予一半俸薪。全支心紅馬乾等銀。俟接劄之日。全給署任俸薪。其現任題升人員。已經任事。尚未受劄。及未經引

見者。照舊任職銜支給俸薪。新任內支給心紅馬乾等銀。○乾隆元年

諭。舊例教職兩官同食一俸。未免不敷養廉。著從乾隆元年春季為始。照各官品級給予全俸。永著為例。○又覆准。各省官升。除給劄委署者。應得俸薪。按照本銜支領外。其候補試用人員。所署之職。無原官支食俸薪者。即在署任內。按照候補試用之例支給。其餘均歸截曠造報。如署任內俸薪尚有原官支食者。即於建曠銀內撥給。至現任官升所署之職。無原官支食者。即歸截曠項下

報部撥用。毋令署官任意支食。出征遞行委署官弁。亦照此例。○三年覆准。部發武舉掣委各幫領運。牢役工食。向係扣存解部。但官有代運之分。而牢役隨幫供役無異。其工食一例支給。○又覆准。嗣後佐貳雜職。因貪賊枉法革職者。任內有降罰案件。照例仍追編俸。其實係因公註誤革職。無論任內降罰案件多寡。食過編俸一概免追。○四年題准。湖北湖南兩省試用文職。委署升遷事故員缺。有馬夫者。將額編馬夫工食銀。與額編俸銀一例支給。無馬夫工食者。

止支額俸。其委署出差員缺俸銀工食。本有現任之人支食。署官俸工。停其給予。○又題准。各省運弁俸銀。從前或在道庫給發。或在屯折項下按季給發。未得及時支領。嗣後江南江寧各幫運弁。均在道庫支領。出運者。全數發給。候運者。按季覈給。江蘇白糧千總六人。鎮江衛分設中幫千總二人。並鎮江前後兩幫隨幫。均在道庫支領。其蘇秦等衛十有八人。向於屯折項下支領者。改歸道庫減存銀內給發。其屯折項下原編銀。減存解司。浙江出運之年。於道庫減存

銀內給發。停運之年。於生編衛所充餉存留支給。嗣後將該衛所起解屯折。先儘存留。按季解司。以便支給。河南係各省船撥運。其山東臨清前後半山前後德州任城天津等七幫現運之人。在豫省支給俸工。於開幫之前全數給發。通州運弁俸工。赴生糧廳按春秋二季支領。惟現運軍卒。於豫省兌漕時支給。徐州前後長淮三幫運弁俸工。赴江安糧道全支。湖南省岳州增設千總二人。在於道庫存贍隨漕銀內支給。其荊州。荊存荆有三衛。岳州衛向在屯折項下支

給者。出運之年。改於道庫三分公項內全支。俟徵解本款歸補。停運之年。照舊支給。江南湖北運弁俸銀。於出運之時全支。山東運弁。或在道庫。或在衛所。按季支領。從無遲延。仍照舊例給發。○又覆准。江西省南昌等各衛所千總。每年應支俸銀。因本年未及開徵。即需給發。無銀動支。於上年漕項屯糧銀內。先行支給。俟各屬徵解歸款。○五年

諭。凡遇州縣錢糧停徵緩徵。分年帶徵之時。其佐雜微員應得俸銀。及胥役應領工食。若有墊發及未給。准



於司庫存公銀內如數撥補。仍將應徵民欠。依限催收。解還藩司。以清庫項。○又覆准。浙江省地丁存留項下。應給俸工役食。向以錢一銀九之數造報。均屬虛捏。嗣後官俸役食。統以銀數造報。不必列作錢數。各省中惟蘇屬官役俸工。存留項下有原編錢數者。亦應更正奏銷。○又奏准。分發各省試用人員。未經得官以前。例不支俸。而月給薪水銀。各省未能畫一。嗣後凡奉

旨命往各省試用同知。知州等官。每人月給薪水銀四兩。通判。知縣等官三兩。分發佐雜等官二兩。

以資養贍。均於存公項下動給。歲終報部覈銷。  
○六年題准。各省駐防驍騎校。歲支俸銀六十  
兩。按月赴司關領。○又覆准。各省隨標學習武  
舉。給予馬糧一分。考驗後分發候補千總之武  
舉。給予把總全俸。分發武進士。給予千總全俸。  
其分發降級人員。照所降應得職銜。給予一半  
俸薪。至革職人員。有奉

旨指定職銜分發試用者。照職銜給予一半俸薪。並  
未指定職銜分發酌量試用者。照無職銜之例。  
給予把總一半俸薪。再現任官員因事降革。旋

經開復。該督撫題請留於該省補用。未經補用之前。以及千總留標。未經拔補之前。均不准給予候補俸薪。若分發人員。到標後緣事降調。旋經開復。仍令留標候補者。仍於開復之日。照應得職銜。支給一半俸薪。○又覆准。年滿千總。隨營候捐。給予馬糧一分。其發回以守備題補。並發回原任後。經年滿留標候補守備。以及豫行保舉註冊。年滿離營候補守備者。均照分發武進士之例。給予千總俸。至現任官員。

特旨簡發補用。並奏請帶往別省補用。及水陸改調。

候補裁汰留標別補。均照原任職銜支食俸薪。再分發侍衛。係有職無任之人。照原職給予全俸。○又覆准。分發武弁署任。如有銜大職小者。照銜支食一半俸銀。照職支食一半新銀。○八年題准。太原駐防旗員。自協領以下。並無親丁名糧。惟支口糧及馬匹草豆。嗣後各省駐防旗員。如遇降革留任者。除停給俸銀外。其任內應給額設口糧馬匹草豆。照綠營官弁支食養廉名糧之例支給。○十年奏准。各省武職千把總。因貪贓枉法軍機獲罪革職者。未完降罰案件。

仍追食過俸銀。如實係因公註誤革職者。無論  
降罰案件多寡。食過俸銀。免其追繳。○十二年  
題准。教職告假期內。停其食俸。將編俸銀按日  
扣存。造入缺官奏銷冊內。仍將告假回任各日  
期。報部查數。○十八年覆准。綠營武職。向係照  
銜食俸。今將大小銜刪除。則自提督以至守備。  
所食俸銀。自當一例更定。提督定為從一品。食  
俸八十一兩六錢有奇。總兵官定為正二品。食  
俸六十七兩五錢有奇。至副將以下各官。原係  
按品定俸。毋庸再議。○又議准。外任官員。均係

按日計俸。抵任起支。旗員補放外任。若原任俸  
祿已經入檔過部。仍行支領。實屬重複。即於本  
季裁除。至補放

盛京官員。俸銀照在京之例。按季關支。俸銀准其  
留京。而

陵寢官員俸祿。向係春秋二季赴部支領。與外任官員  
計日支俸者不同。其大檔過部。由京補放人員。  
亦於本季裁除。如遇俸祿留京之人。又令其補  
領新任俸祿。與不准趕領之例未協。嗣後大檔  
過部後。升任

盛京以及

陵寢官員。均照在京官員不趕不裁之例辦理。○二十四年奏准。外省道府等官。丁憂回旗。未經指定衙門行走。奉

旨著往軍營辦事者。司道等官。照郎中品級。知府照員外郎品級。同知知州照主事品級。給予單俸。○又議准。移紮熱河達什達瓦屬下男婦人等。均派鑲黃。正黃。正白。三旗。以七十名作為一佐領。編設九佐領。每旗佐領三員。總管一員。副總管一員。參領一員。每佐領下。驍騎校一員。領催

四名。披甲四十六名。十戶以十家長管轄。每旗  
揀派熱河協領一員。佐領一員。防禦一員。驍騎  
校一員。領催二名。官員銀米俱照現在品級。降  
一級減半支領。驍騎校藍翎。照六品減半支給。  
領催披甲。照滿洲領催披甲錢糧銀米減半支  
給。一年一次支領。存儲副都統銀庫。按月支放。  
年底造冊咨部覈銷。其俸餉米石。作為三季於  
本處

官倉支給。年底移咨內務府銷算。○又覆准。齊齊  
哈爾城。黑龍江。墨爾根城。呼蘭城等四處。並察



哈爾移紮呼倫貝爾額魯特佐領下額設官員。俱按品級支食全俸。呼倫貝爾地方。索倫巴爾虎額設官員。按品缺支食半俸。內由京城補放之總管。副總管。仍食全俸。打牲本處索倫達呼爾壯丁內揀選補放官員。向不食俸。由呼倫貝爾博爾德地方。駁回打牲地方缺出裁汰官員。仍食半俸。教習打牲索倫達呼爾壯丁禮節。由齊齊哈爾城等處官員選補之。滿洲總管副總管。各按品級食全俸。○二十五年奏准。奉

特旨革職。留於軍營效力贖罪者。將應否賞給半俸

之處。奏請

欽定。○又奏准。各省督撫兼尚書銜者。支食一品俸。兼侍郎銜者。支食二品俸。直省道員。俱改為正四品。停其兼銜。各歲支俸一百五十兩。○又議准。俸滿千總。保送引

見。仍留原任者。仍支本任俸薪馬乾。及一半養廉。其餘一半。扣為修理衙署之用。俟回任日。全數起支。○又議准。武職守備以上。送部引

見。其委署人員。如現任兼理者。止支署任心紅疏炭。如發標候補人員署理者。全支心紅疏炭。並照

銜支食一半俸。照缺支食一半薪。及給養廉餉米乾銀。俸滿千總。保送引

見。如係候補千把等升署理。給予一半俸薪。坐馬二匹。步糧三分。統於建曠項下開銷。如係現任千把等升兼署。毋庸給予。○又議准。各營請領季餉。將所屬員升任內。住罰降革案件。彙造清冊。移司按數扣除。如有隱漏蒙混。即將本員及不行查察之上司。一併題參議處。○二十七年議准。山海關駐防旗員俸米。以官地撥抵。副都統給地一百晌。協領七十晌。佐領六十晌。防禦五

十胸。驍騎校筆帖式。四十胸。應納錢糧。交甯遠州旗倉。其地租。即為該員支食。○又奏准。文職微員。遇有降級留任處分。照武職例。俸銀全扣。○二十八年議准。新疆降用人員。以原銜奏留辦事。限年開復者。未開復之日。照所降職銜支給一半俸薪。○又奏准。葉爾羌辦事通判。給予小京官單俸。○三十年議准。升調官員。其前任降罰案件。未經扣繳。及扣繳外。尚有未完之案。並離任後。遇有前任降罰處分者。統照現任俸銀扣繳。至前任內降罰俸銀。扣解未完。帶於新

任者。照未完之數扣解。○又議准。病故革職官員。未完食過編俸銀兩。查明該員病故日期。咨請免追。毋庸具題。○又奏准。大小正品各官。有降俸一級處分。均按照降俸二級應扣銀數。折半扣繳。其正品官降一級留任處分。亦照此例扣食俸銀。○又覆准。移紮伊犁續經休致官員。於未經部覆之先。應支之項。仍照常支領。准部覆後。按奉文日期查數。如俸檔已經行出者。按已行之數支給。未經行出者。照各該員應食全俸半俸之數。分別算入官兵月餉冊內數給。其

應食全俸者。止裁馬匹。食半俸者。俸銀及家口米石。俱各減半。馬匹全裁。○三十一年覆准。新疆開復人員補俸。以奉

旨開復之日為定。如在正月七月三十日以前。俱准補領。在二月八月初一日以後。不准趕領。○又議准。伊犁設立委署筆帖式四缺。戴六品空頂。食原錢糧。照坐臺筆帖式之例。止支鹽菜銀兩。不支米石。○又議准。派出駐藏業經開缺之文武兼任大臣。均照額外官員例。給予原職單俸。○又議准。各省官員。遇有降罰案件。以奉文先

後逐年挨次扣交。如不能扣清。准於次年接扣。  
○三十二年奏准。派往八溝等處稅差。及別項  
稅務人員。給有盤費銀兩者。止支單俸。○三十  
三年議准。各省候補試用人員。委署無員之缺  
者。照例支食俸銀。其暫行委署出差員缺者。額  
俸既有原官支食。不得另行支給。○又奏准。各  
省挑選舉人。委署教職。如遇無員之缺。所有俸  
齋。一律全支。儻原官仍應回任者。將應支俸齋  
銀兩。按照在任月日。正署各半。不得額外增給。  
○又議准。各省文員留支俸銀。經徵各州縣。於

季首造冊送司。數明相符。即發一支俸單。令各州縣遵照開支。遇有降罰及缺官等項。應扣銀兩。蒙混冒支者。將冒支及瞻徇之州縣。分別叅處。如藩司書吏藉端勒索。故為遲誤。嚴加究治。該司失察。照例議處。○三十七年奏准。直省支給廩生銀兩。各州縣將實在應支名冊。據申學政查數。彙冊報銷。○三十八年奏准。伊犁烏魯木齊巴里坤三處駐防官員。遇有降革罰俸等案。照內地駐防例定議。○三十九年議准。烏魯木齊古城巴里坤各處領隊大臣。俱作為額設



副都統。應支俸祿米石。照職銜支給。○又奏准。直省綠營。豫保卓異俸滿送部引。

見大小員弁。離營以後。回營以前。全支俸薪馬乾。半支養廉。千把總赴部會試。離營以後。回營以前。亦照此例支給。○又議准。署理總督印務。在部限內回任者。俸薪馬乾。並一半養廉。按日支給。儻回任逾限。自滿限日起。至回任前一日止。扣除造報。其有告假省親等事。領有展限部票者。亦自告假日扣起。不得支給。○四十一年奏准。外省文職事故離任。以及引。

見升調他缺者。俸銀計日扣除。至引

見仍回本任之員。並未開缺。應得俸銀。照數支食。毋庸計日扣除。○又議准。文員革職。年滿開復。擬補實缺。因差未經引

見之員。並非軍營辦事者。按照擬補實缺職銜。給予單俸。○又議准。吉林出差官員。一品官從役八名。行馬二十五匹。坐馬十五匹。二品官從役六名。行馬二十匹。坐馬十匹。三品官從役五名。行馬十五匹。坐馬七匹。四品官從役四名。行馬十匹。坐馬六匹。五品官從役三名。行馬八匹。坐馬

五匹。六七八九品官。從役二名。行馬六匹。坐馬四匹。無品級前鋒領催等。從役一名。行馬四匹。坐馬二匹。披甲。從役一名。行馬三匹。坐馬二匹。○又議准。直隸省之保定。雄縣。滄州。三河。固安。霸州。玉田。寶坻。東安。順義。良鄉。盧龍。遷安。昌平。采育營。鄭家莊。古北口。獨石口。張家口。千家店。羅文峪。喜峯口。熱河等處。暨河南省。山東省之德州。山西省之太原。浙江省之乍浦。水師。福建省之福州。水師。協領所屬。廣東等省之廣州等處。駐防職任世職旗員。暨筆帖式。按品關支俸。

米。此外駐防官。另給家口米石。○又議准。

盛京

三陵文職。按品支給正俸。並支俸米。武職。按品支給正俸。不支俸米。各員俸銀。每歲春秋二季。由

盛京戶部支領。俸米。由

盛京內倉支領。又供奉

東陵

西陵文武官員正俸銀米。均按品關支。俸銀按春秋二季。由本

陵官造冊。派員赴戶部支領。○又議准。文職知縣以上

署事之正印官員。向不扣荒俸。應照實缺官例。一體攤扣。○四十五年議准。捐納及四庫全書館謄錄議敘分發人員。概不准支薪水銀。○四十六年

諭。嗣後各省新派駐防人員內。如有年老退休。欲回京就養者。著令自備資斧來京。不必官為辦理。著為令。○四十七年覆准。雲貴總督衙門筆帖式。隨任家口十二名。每名日給口糧米八合三勺。○又奏准。革職人員未完俸銀。吏兵二部於該員革職議結時。先行註冊。俟遇捐復。或棄瑕錄用之。

日。移咨戶部。於新任扣抵。○又覆准。正品武職。遇有降一級處分。照文職例。按降二級之俸。折半扣解。○四十八年奏准。豫東河營員弁升署別缺。於離營之日。將舊任應得俸廉馬乾等項住支。統於到新任後。照舊任職銜應得分例。在新任營分起支。新任多餘銀兩。扣空造報。○又覆准。河南省儀考通判。改為蘭儀通判。南陽府通判。改為睢甯通判。其俸廉均就近按款留支。儀封縣主簿。改為甯陵縣主簿。杞縣縣丞。改為蘭陽縣北岸縣丞。考城縣縣丞。改為睢甯縣縣丞。

丞。各俸廉銀兩。按款在於各該州縣耗羨銀內添設留支。○四十九年覆准。福建省前江場。改歸實缺專員辦理。照各場大使例。計日厯俸。並月支給薪水銀七兩。○五十一年議准。額外外委。拔補經制外委。以及馬步遞署額外外委。已經到營。未奉部覆之弁。其應得糧餉等項。均於新拔營內。按缺支食。又經制外委。遞拔把總。已經任事。尚未奉准部覆。例應仍交馬餉之弁。照外委分例支給。其所餘錢糧。留與遞拔之經制外委支食。○又議准。經制外委。拔補把總。未經

接劄以前。其外委任內應得未石。仍於建曠未  
內按數支給。○又議准。在外升調不回本任人  
員。其俸薪等項。照額缺官例。於離營日住支。到  
任日起支。在途日期。按數扣除。其暫行委署有  
員之缺。係屬因公差委。應得俸廉等項。各回本  
任支食。毋庸扣除在途空曠月日。○又覆准。綠  
營武職奉

旨降調後。如仍在差所。未經回營卸事者。其奉  
旨以後。未經卸事以前。應得俸薪等項。按所降職銜  
支給。○五十二年議准。文武各官緣事革職者。



各督撫於奉到部文時。查明如有應追食過編俸者。飭令呈繳報部。其雖有罰俸案件。而並無食過編俸。及佐雜以下。並非貪婪枉法。及貽誤軍機。雖革職而例不追食過編俸者。均按季分別報部。○又奏准。內外大臣官員。由現任奉

旨作為參贊領隊大臣。或賞給職銜。派往新疆辦事者。在京之俸銀俸米。隨甲養廉。在外之養廉鹽糧馬駝等項。均照銜支給。○又奏准。派往新疆人員。但經賞給頂戴。及有效力。並效力贖罪等字樣者。均令其自備資斧。在京在外一切得項。

均不准支給。○又奏准。革職後棄瑕錄用。賞給職銜。派往新疆辦事者。無論已未補缺。所有俸祿養廉隨甲。均不准支給。俟差滿回京得缺。及到任後。再行照例支給。至鹽菜口糧馬駝。照銜支給。不准給予在外養廉。○又奏准。督撫藩臬。或曾經獲咎。或係不能勝任。以本銜派往新疆辦事者。所有俸廉及鹽菜馬駝等項分例。一概不得支給。若並無過犯。止以新疆辦事需人。奉特旨以本銜派往之督撫藩臬。歷任養廉優厚。除不准支給俸廉外。所有鹽菜馬駝等項。及在外之

養廉。仍行支給。○又奏准。外任大臣官員。丁憂回旗後。由京派往新疆辦事。有賞銜者。照賞銜支給俸廉隨甲。其在外應得之項。均照指派地方職任分例支給。○又議准。京外革職休致患病武職。回籍身故。如有未完罰俸銀兩者。無論科甲行伍出身。均隨時報部查數。○五十三年覆准。各直省文武官員。凡遇升遷終養告病。病故。丁憂。及緣事斥革回籍人員。查明該員任內有無經手未清錢糧。及降俸住俸罰俸議處案卷。出具印結。由該管上司加結造冊咨部。○又

議准。熱河住居之額魯特。較滿員俸銀之數。按次俱減一半。三品總管。給予四品俸。四品副總管。參領。給予五品俸。五品佐領。防禦。俱給予六品俸。驍騎校。每月支給餉銀四兩。米合銀數支給。○五十四年議准。山東省淄川縣縣丞。改駐禹城縣。蕪澤縣縣丞。改駐曹縣。俸工均照舊支給。○五十五年覆准。文職官員。隨同督撫進京祝

嘏。全支俸銀。半支養廉。武職員弁。隨同督撫提鎮進京祝

綴全支俸薪馬乾。半支養廉。○又議准。各省督撫衙門筆帖式。除直隸省向無家口米石。仍支給俸米折色銀兩外。其餘七品者。歲支銀三十三兩。八品者。歲支銀二十八兩。九品者。歲支銀二十一兩一錢零。○五十六年議准。揀選三等以衛千總推用之武舉。如情願入伍效力。隨營差操者。給馬糧一分。○又議准。各省額外外委。江南省之河營葦蕩船務營外委。給予經制外委頂戴。仍食本身糧餉。均不給養廉。○又奏准。烏魯木齊所屬喀喇巴爾噶遜。設立管糧官。歲支公

費銀一百兩。不支養廉。○又議准。伊犁駐防滿洲索倫錫伯察哈爾額魯特部落協領等官。因公罰俸。照京城護軍校之例。減半坐扣。○又議准。奉

旨以營守備用之武進士。如情願隨營學習。分發鄰省試用者。收標後。給予馬糧一分。漢軍已衣武進士。分發隨營學習。亦照漢武進士之例。一體給予糧餉。○又議准。甘肅省西甯縣貴德縣丞。改設同知。歲支俸銀八十兩。○五十七年議准。湖北省荊州府屬之江陵縣郝穴鎮。並朱家河

各巡檢改設主簿。各員應支俸銀。除原設巡檢俸銀抵支外。不敷銀兩。於工食銀內撥補。○五十八年覆准。督撫奉

旨調補別省。尚未到任。仍暫留本任辦事者。俸銀照調任應得分例支給。其養廉亦照新任內分例酌給一半。均於奉

旨補放之日起支。○又覆准。浙江省鹽道改為鹽運司。除原設道俸外。加給銀二十五兩。在缺俸下動給。○又

諭。文武各員內職分較小。無級可降者。遇有承緝降調

處分。除居官平常者。照例斥革外。其經該督撫等察  
其居官尚屬可用者。把總即以經制外委補用。不准  
食餉。至文職未入流一項。即使准其留任。亦不得支  
領廉俸。以示懲創而專責成。○五十九年覆准。各省  
道府州縣佐雜等官。應領俸廉役食。仍赴司請  
領外。其教職並府首領。以及州判。縣丞。大使。主  
簿。巡檢。驛丞。典史等官。應領俸廉及廩膳役食  
銀兩。知府於季首數明。照額領回存庫。按季給  
發。如有空曠。並降俸。住俸。罰俸銀兩。隨時扣繳  
府庫。於下季扣抵。○又議准。陝西省定邊縣裁



汰鹽大使。改設分防縣丞。歲支俸銀四十兩。○  
六十年議准。甘肅省西甯府訓導。移設貴德廳  
訓導。歲支俸銀四十兩。